

李文忠公奏稿

李文忠公奏稿

卷之七十一目錄

請獎法外部支可登片

光緒十七年正月二十一日

學堂洋教習請獎片

光緒十七年二月初一日

海防報銷摺

附請單  
光緒十七年二月十六日

覆奏七里莊開河窒礙摺

光緒十七年二月二十六日

衛汝貴丁憂留營摺

光緒十七年二月二十六日

潘祖蔭請建祠片

光緒十七年二月二十六日

各洋員請獎片

光緒十七年二月二十六日

改永定河下口並修鳳河摺

光緒十七年三月初五日

修濬青龍灣片

光緒十七年三月初五日

戰艦加費片

光緒十七年三月初五日

修辦居庸溝道摺

光緒十七年三月十九日

奏留劉含芳片

光緒十七年三月十九日

冷慶請卹片

光緒十七年三月十九日

奏保沈保靖片

光緒十七年四月初一日

張樹屏請卹摺

光緒十七年四月初一日

出洋巡閱摺

光緒十七年四月初六日

請緩鹽課奏銷摺

光緒十七年四月初六日

津貼剝船摺

光緒十七年四月十五日

應寶時請建祠片

光緒十七年四月十五日

李文忠公奏稿卷七十一

全集一之七十一

桐城吳汝綸編錄

請獎法外部戈可登片

光緒十七年正月二十一日

再據前駐津法國總領事林椿函稱該國外部協理大臣戈可登於光緒十二年三月間在津會商訂立越南商務條款追回國後仍管理中法交涉事宜上年因輪船招商局曾在越南海防順安兩處置造房產被法兵佔燬經臣照會索賠推延未結臣囑林椿轉致戈可登力爲措置允認賠十萬元分年繳清足見戈可登遇事出力於兩國睦誼有裨求爲奏懇

賞給寶星以示褒寵等因林椿調署駐京使臣後屢函催辦臣查戈可登現充法國外部協理大臣前在華與總理衙門王大臣及臣往來甚爲投契訂立商約並議賠招商局房產均能公平辦結

顧全大局既據林榕代為籲陳相應請

旨照章賞給戈可登二等第一寶星由臣製備照會該署使轉寄收領並由總理衙門就近繕發執照徑送法國使署轉寄以資鼓勵而昭友誼除咨會總理衙門外理合附片具陳伏乞

聖鑒訓示謹

奏

學堂洋教習請獎片

光緒十七年二月初一日

再查北洋武備學堂所延德國兵官李喜脫敖耳兩員光緒十三年由出使大臣募充教習迄今已閱三年課導盡心不辭勞瘁俾肄業生徒講求軍事均通新法成效昭然又德員艾德在堂最久教授幼生西國語言文字及一切鎗礮技藝測算繪圖各學並無曠誤前次合同期滿曾經奏蒙

賞給四等寶星現又續留三年期滿該洋員等當差勤奮不無微勞足錄據管理武備學堂候選知府聯芳等具稟前來合無仰懇  
天恩俯准

賞給洋教習李喜脫敖耳兩員三等第一寶星艾德守備職銜以示獎勵除寶星候奉

旨後由臣飭令製給並咨總理衙門繕給執照外理合附片具陳

伏乞

聖鑒訓示謹

奏

海防報銷摺

光緒十七年二月十六日

奏為北洋海防經費光緒三十四兩年收支各款分造清冊並開清單報銷仰祈

聖鑒事竊北洋海防用款前經總理各國事務衙門會同戶部奏明山督辦大臣咨報總理衙門戶部查核嗣於光緒九年八月部議應三部分銷業經循照辦理已造報至十一十二兩年止所有十三十四兩年收支各款應即接續造報飭據海防支應局司道詳稱前已將新支用款照章造冊繕單奏咨立案聲明舊有支款無庸再行立案今計三十四兩年舊管項下截存銀六十二萬五百九十六兩零新收各省關解到釐稅銀一百八十七萬八千八百五十三兩零又補收十五年各省關找解十三十四兩年釐稅銀二十三萬七千二百五十六兩零山東省解還鎮中等蚊船



經費並各省解還領用軍火價銀六萬九千九兩零准軍餉內協撥造子薪糧銀二萬三千五百九十一兩零電報信資銀一萬二千九十二兩零扣收京平平餘銀六萬三千二百二十二兩零十一十二兩年兵部銷冊內劃歸戶工兩部核銷銀三百八十五兩零共新收銀二百二十八萬四千四百一十一兩零連舊管合銀二百九十萬五千七兩零除派員赴英德兩國接帶新造四快船回華經費不敷銀四萬五千三百八十兩零又由英廠訂購出海魚雷艇並配齊雷礮等價及回華用款不敷銀七千一百八十九兩零業經分案造報准銷又煙池口教堂還費銀四萬兩前經奏明於銷案內就款開除又旅順船塢添建欄湖石壩經費不敷銀七萬四千六百六十四兩零前經奏明歸入洋匠德威尼包建鳴工壩工案內造報又解海軍衙門三十四兩年扣存京平平餘銀

六萬三千二百二十二兩零在應領鎮遠等七船薪糧內劃抵已  
歸入七船案內列收造報其登除銀二十三萬四百五十五兩零  
實計兩年收用銀二百六十七萬四千五百五十一兩零開除項  
下應歸戶部核銷銀六十萬四千一百九十二兩零兵部核銷銀  
八十四萬七千四百二兩零工部核銷銀一百十四萬三千二百  
三十四兩零其餘銀七萬九千七百二十一兩零已接支十五年  
以後用項無存循案造具三部分銷細冊收支四柱總冊開具款  
目清單詳請奏咨核銷前來臣查北洋海防經費原定歲撥各省  
關稅釐銀二百萬兩嗣因釐金解數短絀經臣奏明按八成減解  
仍解不足數迎關稅併計歲僅得銀一百五六十萬兩迨經海軍  
衙門編列北洋海軍除鎮遠等七船薪餉及煤修等費並四快船  
洋員薪飯歲需銀六十萬餘兩奏定赴海軍衙門請領轉發專案

造報外其餘常年額支各款由海軍衙門歲撥各省關稅釐銀一百餘萬兩徑解北洋以供計授要需凡添購大批軍火及興建臺壘等項工程難以預計皆不在內惟自光緒十一年勅設海軍欽奉

懿旨逐漸擴充歷久勿懈至十四年規模粗具經海軍衙門奏定章程令自十五年正月開辦凡防務所不容緩者不得不次第經營力求周備此後海軍應辦各事需費正繁歲撥之款僅足供額支之用如遇必須添購要件添建要工不在歲撥數內者苟可就款勻籌自當由外酌辦儘實無可騰挪再行查照奏定海軍章程隨時咨商海軍衙門妥籌核辦至海防係參用西法一切支款並無例案可循亦非他項軍需可比業於立案文冊內將應辦各項實在情形詳細聲敘值此時艱餉絀每遇興工購料製器用人

無不脗同。在事各員審察再三。可省則省。至訂購外洋軍械器具。其價目多寡。尤必諮訪比核。務求撙節。不使絲毫濫費。茲將三十四兩年用款。逐加覆核。委係實用實銷。並無絲毫浮冒。除各冊分送戶兵工三部外。理合開具簡明清單。恭摺具陳。伏乞

皇上聖鑒。敕部查核。准銷。謹奏。

謹將北洋海防經費自光緒十三年正月起到十四年十二月底止收支款目繕列清單恭呈

御覽

舊管項下

一光緒十二年底截存銀六十二萬五百九十六兩零

新收項下

光緒十三年分

一收湖北省釐金銀三十一萬兩

一收浙江省釐金銀十四萬兩

一收江西省釐金銀三萬兩

一收浙海關一百五結至一百八結四成一半稅銀十四萬七千

五百八十九兩零

一收江海關一百五六兩結四成一半稅銀十五萬九千三十七兩零內一百六結短解銀一萬兩於十四年找解清楚

一收山海關一百七結至一百九結四成全稅銀十萬九百兩零  
一收山東省解還墊發光緒十一十二兩年鎮中鎮邊兩蚊礮船經費銀四萬四千四百七十三兩零

一收山海關道解還營口練勇領用北洋防費項下購造呷哨士得哈乞開思鎗子并鉛丸價銀一千三百四十七兩

一收山東平度州礦務局領用北洋防費項下購存氏那米脫炸藥價銀五百九十九兩零

一收甘軍領用北洋防費項下購存操鎗藥卷皮紙價銀一百兩  
一收部撥毅左軍領用北洋防費項下購存軍火價銀八千五百八十八兩零

一收河南省解還毅軍領用北洋防費項下購製鉛丸價銀五百十五兩零

一收淮軍報銷局光緒十三年第十六案撥銷行營製造局造子匠工及幫辦人等薪糧銀一萬二千九十六兩零

一收電報官局呈繳光緒十三年商報信資銀五千二百八十七兩零

一收光緒十一十二兩年兵部銷冊內劃歸戶部核銷柴草價腳工部核銷棧租房費及駁船油餼銀三百八十五兩零

一收北洋防費項下光緒十三年遵照海軍衙門新章改按京平核發各款扣回平餘銀三萬二千一百五十八兩零

光緒十四年分

一收湖北省釐金銀二十二萬兩又十五年找解十四年分指撥

釐金銀四萬兩共收銀二十六萬兩

一收浙江省釐金銀十八萬兩

一收江西省釐金銀四萬兩又十五年找解十三年分指撥釐金銀五萬兩共收銀九萬兩

一收江海關一百六結至一百十一結四成一半稅銀三十六萬八千二百五十三兩零又十五年找解十四年分一百十二結四成一半稅銀八萬四百十五兩零共收銀四十四萬八千六百六十八兩零

一收浙海關一百九結至一百十二結四成一半稅銀十一萬九千四百十八兩零又十五年找解十四年分一百十三結四成一半稅銀三萬二千二百十六兩零共收銀十五萬一千六百三十四兩零



一收山海關一百十結至一百十二結四成全稅銀六萬三千六百五十五兩零又十五年找解十四年分一百十三結四成全稅銀三萬四千六百二十四兩零共收銀九萬八千二百八十兩零

一收山東省解還墊發光緒十三年鎮中鎮邊兩蚊礮船一半經費銀一萬一千七百五十三兩零

一收機器局由部領回扣存吉林軍火價內應還北洋防費項下購造鉛丸價銀七百三十四兩零

一收山東平度州礦務局領用北洋防費項下購存氏那米脫炸藥價銀五百九十九兩零

一收熱河礦務局領用北洋防費項下購存氏那米脫炸藥價銀二百九十九兩零

一收淮軍報銷局光緒十四年第十七案撥銷行營製造局造子

匠工及幫辦人等薪糧銀一萬一千四百九十五兩零

一收電報官局呈繳光緒十四年商報信資銀六千八百四兩零  
一收北洋防費項下光緒十四年遵照海軍衙門新章改按京平  
核發各款扣回平餘銀三萬一千六十三兩零

以上新收其銀二百二十八萬四千四百一十一兩零

管收二項共銀二百九十萬五千七兩零內除撥發派員赴  
英德兩廠接帶訂造四快船回華經費不敷銀四萬五千三  
百八十兩零又撥發訂購英廠出海魚雷艇並配齊雷礮等  
價及回華用款不敷銀七千一百八十九兩零均經專案造  
報奉部准銷又撥發蘆池口遷移教堂經費銀四萬兩業經  
奏明在於北洋銷案內就款開除又撥發旅順船塢添造攔  
湖石壩經費不敷銀七萬四千六百六十四兩零業經奏明

歸入旅順鴨場工程案內造報請銷又撥解海軍衙門三十四兩年北洋防費項下應按京平扣發各款平餘銀六萬三千二百二十二兩零業經詳請劃抵鎮遠等七船次年統餉以上五款共應登除銀二十三萬四百五十五兩零計實收銀二百六十七萬四千五百五十一兩零

開除薪糧及雜支項下

一直隸提督辦理海防隨帶員弁薪糧銀五千二百三十一兩零  
一北洋水師統領及隨帶員弁薪糧公費銀一萬九千四百六十一兩零

一大沽水雷營官弁人等薪糧柴草辛工公費加餉銀三萬四千三十五兩零

一北塘水雷營官弁人等薪糧柴草辛工公費加餉銀一萬八千

五兩零

一山海關水雷營官弁人等薪糧柴草辛工公費加餉銀一萬五千六百四十四兩零

一旅順口水雷營官弁人等薪糧柴草公費飯贍加餉銀二萬一百八十八兩零

一旅順口魚雷營及魚雷局廠官弁人等薪糧公費銀四萬九千八百十四兩零

一旅順口工程局員弁人等薪糧公費銀一萬三千八百三十兩

一水師學堂官員教習學生人等薪工飯贍公費銀五萬九千二百八十三兩零

一武備學堂官員教習學生繙譯人等並操馬三十四薪工飯贍公費馬乾銀五萬八千六百八十五兩零

一大沽水師船塢總辦教習委員司事人等及添雇短工薪工公費銀十一萬一千四百九兩零

一電報總分各局並報房棧房原設十六處嗣經更定計設十四處員司學生巡役人等薪工公費房租銀三萬四千七百四十八兩零

一天津行營製造局造子廠員司匠工人等薪工銀二萬三千五百九十一兩零

一大沽礮船公所旅順威海兩煤廠水師子彈火藥兩庫及劉公島水師機器廠司事夫役匠工人等薪工公費銀一萬六千二百九十二兩零

一旅順口軍械局軍械庫及經理電光燈官弁等薪糧公費銀一萬一千三百三十八兩零

一武備學堂挑赴旅順學習礮臺水雷各藝學生人等薪飯銀二千五百七十九兩零

一旅順威海水師兩醫院官醫人等薪工銀一千一百五十三兩零

一水師營務處委員繙譯學生等及水師公所薪水公費銀一萬二千一百四十五兩零

一會辦行營製造局隨辦洋務及洋鎗隊教習練軍繙譯並海軍房書吏薪水津貼銀五千四百二十三兩零

一船政衙門調赴北洋差遣學生薪水及由閩來津川資銀二千三百四十一兩零

一水師學堂武備學堂練軍營魚雷營礮臺工程濬澳指泊及水陸各營洋號等項教習洋員薪水川資銀六萬八千九百七十四

兩零

一水師各船雇募水雷洋教習洋醫又水師各船及武備學堂遣撤洋教習川資銀五千九百六十九兩零

一英人敦約翰前赴西洋辦理蠶池口遷移教堂一案應需川資及因公用款共我支銀二千三百五十兩零

一洋員李寶等並緙譯新飯房費馬乾及回國川資銀八千二百九十四兩零

一新城葛沽練軍營拉礮車馬乾銀七百五十八兩

一旅順口建造魚雷營局艇臺並洋教習住房又劉公島添建操棚廠庫及水師醫院等項共購民地九十九畝零地價及籽種工本銀二千六百二十三兩零

一光緒十一十二兩年北洋銷冊內兵部劃出統領正定練軍總

兵葉志超由山海關駁運赴援朝鮮臺灣弁勇購用烘冰柴草價  
腳銀三十九兩零

以上應歸戶部核銷

開除養船及運保費項下

一鎮北等六蛟駁船管駕人等新糧公費藥資銀十四萬四千二

百二十四兩零

一超勇揚威兩快船管駕人等新糧公費藥資銀十三萬五千九

百五十二兩零

一威遠康濟兩練船管駕人等新糧公費藥資銀九萬八千四百

十二兩零

一水師各船鎗礮正副教習並威遠練船學生聽差伙夫及水師

添練頭二三等水手薪糧銀六萬一千七百四十兩零



一水師屯船督操並督船大二副正副管旗操練營務處及試用候差學生隨帶官醫士軍樂樂童薪糧公費藥資銀二萬三千四百七十七兩零

一利運運船敏捷板練船犀照水雷小輪船管駕人等薪糧公費銀四萬二千二百七十二兩零

一左右隊大魚雷艇六艘管駕人等薪糧油燭銀六萬八千八百五十四兩零

一守雷下雷桿雷小輪船三艘管駕人等薪糧公費銀一萬二千七百四十四兩零

一快馬小輪船管駕人等並操江輪船醫士薪糧公費銀一萬五千五兩零

一利順遇順拖輪兩艘管駕人等薪糧公費銀一萬六千八百七

十三兩零

一導海機器挖泥船並接泥船等管駕人等薪糧銀三萬一千六

百二十兩零

一北洋水師副統領提督銜洋員琅威理暨水師各教習洋員又添雇水雷及新購魚雷大快艇教習洋員薪水銀十四萬五千七百四兩零

一北洋水師各船及魚雷水雷各營病故員弁水手雷兵人等卹賞銀四百十三兩

一軍械局起卸裝運礮位軍火器械車船夫力銀五百三十五兩零

一武備學堂添練馬隊購操馬三十四匹價銀四百二十七兩零

一武備學堂旅順魚雷營學生雷兵等乘坐兵船出海操練津貼

伙食銀四百十九兩零

一辦理朝鮮通商交涉事宜道員袁世凱領仁川口駁運水師儲備塊煤又天津軍械局委解神機營鎗礮子彈銅帽等項損駁車船等價銀九百九十四兩零

一光緒十三年定購德國克鹿卜廠九生脫後膛銅礮並礮架子藥車子彈又購英國阿模士莊廠水師備用單管馬克綏姆礮並礮架鋼鐵炸彈又購德國克鹿卜廠十生脫半後膛銅礮並礮架隨件引火子母彈鋼開花彈又購沿海各礮臺需用測遠器又購英廠威布烈六出鍍銀上等手鎗配帶零件合膛子彈又購英德兩廠仿造荷乞礮子機器及仿造運礮子裝炸藥器具又購德國伏爾鏗廠導海挖泥輪船備換斗輪等項器具又購操習魚雷應用水衣汽表氣箭轉數表電光燈及修理魚雷器具又購英廠旅

順水雷營操防應用雷電器具並各項料物運保等費銀一萬八千九兩零

一光緒三十四兩年冬季北洋水師統領提督丁汝昌統率各船操巡南洋因公電報又出使德國大臣代北洋訂購洋廠礮械及因公發遞電報費銀一千三百七十七兩零

一招商局及洋商輪船承裝礮位子彈並厝汽機測量表斗扣鋼拴料物等件由上海運至天津煙臺等處水腳銀二千五百五十一兩零

一光緒十四年定購德國克鹿卜廠七生脫半新式過山礮並礮架藥彈箱車備換礮門並零件又十五生脫生鐵開花彈二十一生脫生鐵開花彈硬鐵炸彈二十四生脫生鐵開花彈又康濟兵輪改作魚雷練船山英德兩廠定購新式電機電燈雷礮魚雷歷

氣機燐藥管又購克鹿卜十二生脫口徑新式後膛長鋼礮並架座備件子母彈開花彈共支運腳保險等費銀二萬九百三十八兩零

一大沽船陽三十四兩年分撥發水師輪船煤斤駁費銀四千八百五十一兩零

以上應歸兵部核銷

開除采買及修製項下

一購德國克鹿卜廠十生脫半新式後膛鋼礮並礮架隨礮備件鋼開花彈又購克鹿卜廠七生脫半新式過山礮並礮架藥彈箱車備用礮門零件又十五生脫生鐵開花彈二十一生脫生鐵開花彈硬鐵炸彈二十四生脫生鐵開花彈又購沿海各礮臺需用測遠器找價銀七萬六千七百十九兩零

一旅順水雷營購操習水雷單照小輪船價銀三千四百兩

一購英國阿模士莊廠新式四十磅子後膛全鋼快捷大礮並隨帶架具零件全份硬質彈銅火引銅子壳牛油氈墊又購配蚊礮船邊礮後門鋼底又購威布烈六出鍍銀上等手鎗配帶零件合膛子彈價銀五萬八千三百七十七兩零

一購英德兩廠仿造荷乞礮子機器又仿造運礮子裝炸藥器具價銀一萬一千八百九十九兩零

一北洋水師由英廠購置輪機電燈及備用各件並算法書籍畫圖器具等項又由德廠訂購操習魚雷應配水衣氣表氣箭轉數表電光燈及修理魚雷器具又購英國官製中國海圖各國海圖操礮書價銀九千五百二兩零

一由德國伏爾鏗廠訂購導海挖泥輪船備換斗輪等項器具價

值棧租銀四千二百五十三兩零

一大沽旅順水雷營山英廠及津滬各洋行定購操防應用雷電

器具並各項料物價銀一萬一千四百三十兩零

一水師學堂購辦挑上練船學生並教練魚雷應用洋廠儀器書

籍圖紙筆墨並鋼鐵各件價銀一萬二千五百十二兩零

一武備學堂訂購德廠新式測遠鏡並架座零件又購化學需用

器具藥物及工程隊需用長柄洋鋤價銀一千一百十兩零

一大沽船塢購鍋鑪大汽錘起重白油槓繩鐵練價銀三千四百

二十九兩零

一天津軍械局旅順工程局訂購北洋建築臺壘庫廠等工需用

塞們德士又旅順口沿海各礮臺及軍械各局訂購雙軌鐵路鐵

車連鐵墊板鐵轉盤螺絲鉚釘魚尾夾板及零件十寸圓白槓大

力繩價銀四萬三千四百七十八兩零

一購克鹿卜廠十二生脫口徑新式後膛長鋼礮並架座備件子母彈開花彈價銀二萬一千四百三十五兩零

一水師學堂領用機器局各項料物器具並購測遠儀器價銀二

千二百六十九兩零

一由洋廠訂購旅順口停泊鐵甲鋼快等船需用鐵關大錨又製造浮鼓鐵板價銀二萬二千七百九十七兩零

一康濟兵輪改作魚雷練船由英德兩廠定購新式電機電燈雷

礮魚雷壓氣機燐藥管及一切器料價銀四萬六百八十六兩零

一購海防各營操鎗需用洋皮紙青鉛並鑄鉛丸鉛箭及製木箱

等項價銀一萬九百九十八兩零

一撥行營製造局仿造呔啫士得鎗子及格林礮子彈經費銀九



萬六千四百九十七兩零

一撥旅順口魚雷營添購修製魚雷零星料件經費銀七千七百

十九兩零

一撥電報官局電綫歲修及購辦應用零件經費銀七千八百八

十三兩零

一大沽船塢改造敏捷夾板練船並添配帆索錨纜及一切應用

器具料價銀七千九百三十九兩零

一光緒三十四兩年超勇等五船購備常年操巡應用料物器

具又劉公島水師機器廠購備常年修製應用料物器具又旅順

口導海挖泥各船購備常年潯澳應用料物器具又旅順魚雷營

雷艇雷廠常年工操需用大批料物器具價銀八萬一千四兩零

一光緒三十四兩年製賞各洋員三四五等金銀寶星並佩帶

木匣等件工料銀四百六十一兩零

一光緒三十四兩年大沽船塢承修超等船並添置備用各件料價銀三萬六千一百三十一兩零

一光緒三十四兩年冬季超勇揚威康濟威遠四快船及左隊一號魚雷快艇赴上海祥生洋廠及閩廠修配改造並添置各件工料銀五萬五千六十三兩零

一駐防山海關正定練軍操演格林礮車仿造洋式五馬鞍轡又天津軍械局修理兵鎗並購配鎗箱白洋鐵皮又製配車礮用裝藥皮盒等又山海關水雷營歷年修理操雷平底大船工料銀一千二百五十三兩零

一武備學堂仿造洋式行軍輕氣球又購操球鏢水又山海關水雷營添製操雷需用各種架座箱盤等件工料價銀四千三百二

十七兩零

一大沽船陽承造水陸各營需用大小舳板並各營領取各件又旅順工程局改修卸重木駁船並購起重金山松木工料價銀三千五百九十八兩零

一旅順口嶗嶗嘴建築大礮臺並子藥庫糧食器具庫跟房礮房營門根牆官兵住房工料找價銀二萬二千七百二十七兩零

一大沽船陽建造收戕蚊礮船土陽工料找價銀一萬八千三百三十四兩零

一北塘搭造浮橋調用天津道運漕滿料駁船應繳變價銀三百六十兩

一天津水師學堂添建魚雷小廠煙囪泊岸水井煙煤圈工料銀二千二百九十二兩零

一大沽海口防營添建存儲攔港輓木筏及錨鍊等件廠庫圍牆  
又修理大沽海口蚊礮各船存儲軍械公所工料銀三千二百四  
十四兩零

一威海衛劉公島勦造水師運煤鐵碼頭並配設應用各項器具  
及廠庫等項又建設北洋水師練勇操棚學堂廠庫並大小住房  
操場石圍牆石泊岸土坡工料銀十八萬七千八百二十三兩零  
一旅順水雷營添建棉藥庫看庫住房圍牆又魚山營添建收藏  
艇陽石泊岸廠庫又添建洋教習住房並營門城樓看煤住房及  
弁兵廚房開挖水井又建設燈塔並存油及看燈人住房工料銀  
二萬一千四百三十八兩零

一天津武備學堂添建行營小礮臺工料銀一百二十九兩零  
一旅順口白玉山威海衛劉公島各建水師醫院一所內白玉山

大小房屋五十五間並埤棚圍牆劉公島大小房屋一百八間並走廊院牆圍牆工料銀二萬七千五百十兩零

一旅順口改建操礮學生及洋教習學堂住房圍牆又礮畔嘴北山添築小礮臺子藥庫官房兵房營門更房石臺門塊石各牆暗涵洞又餒頭山城頭山兩礮臺添築護牆並添建子藥庫改造礮盤添改兵房又礮子營礮臺添築護牆並添建藥庫講堂巡房及移建兵房又威遠礮臺添築石牆並添建子藥零件庫改築礮盤兵房又虎尾礮臺添築石牆操場壘階泊岸並改造藥庫兵房又西岸各礮臺添造拉礮石泊岸大道枝路木橋工料銀二萬五千八百五十九兩零

一光緒十一十二兩年北洋銷冊內兵部劃出三艦管輪人等在香港候船房費並山海關防營津貼駁船油艙及招商局存倉棧

租銀三百四十六兩零

一快馬及守雷下雷小輪船冬令守凍包紮船面及搭蓋住棚需用繩蓆等項工料銀一百五十兩零

一光緒三十四兩年軍械局製造龍旗又大沽北塘旅順口山海關等四處水雷營及旅順魚雷營製給雷兵水勇人等各項號衣裋包巾腰帶戰靴旗幟等件工料銀九千九百八十二兩零

一光緒三十四兩年武備學堂製給學生及洋號洋鼓兵丁各項號衣裋號帽戰靴等件工料銀二千七十兩零

一光緒三十四兩年北洋水師統領製給各兵輪舵工水手升火管旗匠役練勇人等冬季例賞棉號衣裋及新募練勇應給一次單夾號衣裋號帽包巾腰帶戰靴又隨帶駕駛管輪學生春夏冬三季官號衣裋靴帽等件工料銀七千七百四十兩零

一水師學堂製給派上練船學生旅順口水陸營務處製給操礮  
學生各項號衣褲號帽戰靴行囊等件工料銀八百九十二兩零  
一大沽防營並各雷艇領操礮位又駐防大沽北岸保定練軍左  
營領操石頭縫礮臺礮位又北塘防營領操礮位又義勝營駐守  
螳頭沽臺牆領操礮位又新城葛沽營領操礮位又正定練軍駐  
防山海關甯海城鐵門關長龍岡等處礮臺領操礮位又旅順口  
東岸黃金山礮臺領操礮位又護軍營駐守旅順口東岸人字牆  
領操礮位又護軍營駐守旅順口東岸牧豬礁礮臺領操礮位又  
護軍營駐守旅順口東岸田雞礮臺領操礮位又慶字正營駐守  
旅順口東岸嶗嘴礮臺領操礮位又親兵慶字營駐守旅順口  
西岸饒頭山城頭山蠻子營老虎尾威遠各礮臺領操礮位礮費  
銀二萬七千三百五十四兩零

一北洋水師各輪艇及機器魚雷等廠燒用煤斤價值銀十四萬八千七百九十五兩零

以上應歸工部核銷

以上共開除銀二百五十九萬四千八百三十兩零

實在項下

一應存銀七萬九千七百二十一兩零已接支十五年以後用項無存片行開報



覆奏七里莊開河窒礙摺

光緒十七年二月二十六日

奏爲查明七里莊地方開河洩水地勢民情均多窒礙恭摺覆陳  
仰祈

聖鑒事竊臣承准軍機大臣字寄光緒十六年十月十七日奉

上諭直隸監生桑冲漢等請於十二連橋迤南之七里莊開挖七  
里山古河使水從三灘里出口入東淀自大清河以達海等語著  
李鴻章體察情形所稱開河洩水各節是否可行據實覆奏等因  
欽此遵卽轉飭清河道潘駿德天津道胡燏棻遴派候補知府郭  
奇中候補知縣王華清馳赴任邱雄縣文安等處會同各該縣傳  
集紳民沿途詳細履勘據任邱紳民以該處向爲潞龍方順各河  
下游每年河水漲發全恃千里長隄以爲屏蔽此河一開不獨各  
村受患卽任邱環城左右下及雄霸各屬並在水中又據五官淀

等村紳民以該處自同治七年以後疊被渾沱古洋河患後經奏開渾沱河引入下西河水歸故道始登衽席今將此河開鑿則將來受患倍深又據雄縣紳民以該處濱臨趙王河隄岸全賴隄南地畝收穫爲生今將此處開挖成河河佔隄壓生業全失又據文安紳民以七里莊爲千里隄緊要之處今欲改爲出水之口引水由三灘里入東淀經過之地以文安爲最低至三灘里入東淀處地又絕高有來源而無去路是直以西淀移入文窪永無涸復之望各等語當經該委員等鈔錄各處紳民呈詞並將會勘情形稟由該道等具詳請奏前來臣查桑沖漢等所請開河之處上自任邱縣之七里莊起下至文安縣之三灘里止計長一百七十餘里不特工大費鉅款項難籌地形高窪不齊取勢亦難直捷該委員等就原圖所指開河處所逐細履勘自七里莊至苟各莊地勢較

窪至五官淀逐漸高仰至彭耳灣人文安縣境最爲低下向稱大窪連東則又漸高及至三灘里口回望文窪已如釜底引水上行豈能暢順況百數十里開田廬不少若開河道民失故業怨讟必多且千里長隄縣互西淀之東大清河之南隄內各州縣恃爲保障今擬由七里莊開挖河道遽將長隄剗斷引水東趨必須別築隄岸全淀眾水下注亦非一緩去路所能疏通新隄土性鬆浮難資抵禦一經潰決害何可言現在擬開河身並在任邱雄霸保定文安界內而文安地段最長形勢最窪當滹沱河未復故道時文安淪爲巨浸自獻縣月開新河以後受患始輕今復開隄引水并注窪中是甫減滹沱之災而重受西淀之害任邱紳民所謂此河開後受患更甚於滹沱文安紳民所謂直將西淀移入文窪所言並極痛切近年任雄境內千里隄工每遇汛漲輒慮上游奸民盜

決官民駐隄巡守並派營弁協防蓋以隄內數百萬身家性命所關不得不嚴爲防護今乃輕議開挖但爲一隅疏洩之計而置下游數州縣生靈於不問揆之情勢斷不可行竊維西淀跨連數縣匯納巨川向由連橋下入大清河受多洩少故每遇積潦傍淀各處難免受淹臣前此開通趙王河以分溜勢疏濬玉帶中亭河以暢下游皆於極難之中力籌補救之策然偶值盛漲則地形所限人力難施去夏水災尤爲歷年罕見被浸州縣固不獨該處爲然桑沖漢等但知自便私圖輒欲以鄰爲壑並稱此河開後各屬永無水患尤鑿空誕妄之詞且七里莊開河之議自道光元年曾經御史張元謨奏請不行此後屢有條陳均經議駁有案今查閩原呈仍係撫拾陳言不顧大局地勢民情並極窒礙應請無庸置議謹繕摺據實覆陳伏乞

皇上聖鑒  
奏

衛汝貴丁憂留營摺

光緒十七年二月二十六日

奏爲統兵大員聞訃丁憂籲懇

天恩給假治喪仍留防營以資統率恭摺仰祈

聖鑒事據會統盛字馬步全軍記名提督甘肅甯夏鎮總兵衛汝貴稟稱光緒十七年二月二十日接到家信親母王氏於本月初三日病故該鎮屬親子例應丁憂請開缺回籍守制等情臣查該鎮所稟自是人子至情本應俯如所請惟該軍馬步十餘營拱衛畿疆爲北洋海防大支勁旅精操利器名冠諸軍該鎮自接統以來會同永州鎮總兵賈起勝講求軍實認真訓練實係最爲得力之將久在

聖明洞鑒之中上年大水成災天津地處下游眾流所匯衛南窪等處周圍三百餘里水深丈餘民遭昏墊臣以該鎮久隨周盛傳

辦理開河營田地勢工程並極熟悉卽派令就近設法疏消該鎮  
偏厯災區審察形勢自秋徂冬親督各營開溝洩水寒暑無閒並  
勘得海河下游之楊碼頭地方形勢就下督帶營勇二千餘人開  
挖減河數道計長七十餘里俾偏地積水得以消除卽將來上游  
盛漲亦資宣洩洵爲海隅久遠之利該處紳民咸稱去夏水患厯  
年所無而消退能速非該鎮之力不及此現在高處早經播種窪  
地涸復有期猶及補種春麥該鎮正在督率各營添開引河及大  
小溝渠隄岡各工水利民生並關緊要斷難中輟平日操防事宜  
責任亦重自應責成該鎮妥爲經理俾資熟手未便久令離營懇

天恩賞假百日治喪仍留統盛軍以竟要工而重防務該鎮係實  
缺總兵查原任湖南提督周盛傳升任通永鎮總兵唐仁廉現任

蘇松鎮總兵張景春先後在海防軍營丁憂並奉

諭旨改爲署理在案該鎮事同一律可否改爲署理稍崇威望以資統率之處出自逾格

懇施臣亦藉收指臂之助所有統兵大員聞訃丁憂各緣由謹繕摺具

奏伏乞

皇上聖鑒訓示謹

奏



潘祖蔭請建祠片

光緒十七年二月二十六日

再據寶坻縣紳士前湖南衡永郴桂道方學蘇山東候補道王其慎等聯名呈稱去歲大水爲災數十年所罕見寶坻地居窪下受患尤深原任工部尚書兼管順天府府尹潘祖蔭一聞災信先行撥款飛飭印委辦理急撫內則瀝情入

告外則函電四馳爲民救災無微不至本屆待賑人數倍於往時飢者給食寒者授衣全活甚眾秋冬以來屢傳集該紳等詳詢賑事形神頗頓若疾痛之在身竟以積勞一病不起聞信之日士民相弔若喪其私感人之深實難泯沒竊以前任順天府尹周家楣因辦理賑撫由紳民呈請建祠有案今擬集貲爲故兼尹潘祖蔭建立專祠由地方官春秋致祭以申報譽呈請具奏前來臣維去歲被災以後屢接故兼尹臣潘祖蔭來函言及災況憂勤之意流

溢行開心竊敬之身後檢其遺牘手寫告災乞賑之書多至千數  
百件病中喃喃皆言賑務前蒙

恩旨稱爲盡心辦賑勞瘁不辭是其辦賑宜勤早荷

聖明垂念查故通政使周家楣在府尹任內籌辦賑撫著有勞勩  
曾蒙

恩允建祠去年順屬受災之重籌賑之難更非昔年可比該故兼  
尹臣盡瘁以歿士民尤切哀思茲據該紳等呈請援案捐貲建祠  
由地方官春秋致祭撥之賑災勤事之義洵爲無媿自應據實  
上聞理合會同兼管順天府府尹臣祁世長順天府府尹臣胡聘  
之附片具陳伏乞

聖鑒訓示謹

奏

各洋員請獎片

光緒十七年二月二十六日

再各國員弁商人在華著有勞勩歷經奏蒙

賞給寶星以示獎勵茲查有德國克虜伯廠派來中華照料礮械總兵福合爾現任克虜伯廠總辦燕格克虜伯廠製造總辦克孛思兼充荷蘭國天津領事官奧國人滿德等四員於中國購造海防巨礮並傳授製造栗色火藥祕法均能實心經理著有勞績又電報教習丹國人克綸西俄國商務參議四達爾祚福管駕利運輪船英國人摩頓等三員歷充各項差務均能勤奮盡職合無仰懇

天恩俯准將福合爾比照各國武職大員例

賞給二等第三寶星燕格克綸西比照陸路副將教習例

賞給三等第一寶星克孛思滿德四達爾祚福摩頓均比照水師

管駕陸路參將副領事官例

賞給三等第二寶星藉資鼓勵除俟奉

旨後由臣飭令分別製給並咨總理衙門繕給執照外理合附片

陳請伏乞

聖鑒訓示謹

奏

改永定河下口並修鳳河摺

光緒十七年三月初五日

奏爲永定河下口淤墊高仰亟宜設法改道以暢尾閘而維北運並鳳河上下游疏濬河槽培築東隄恭摺仰祈

聖鑒事竊查永定河下口一帶近年淤墊高仰以致下壅上潰頻有漫決之患兼之衝刷鳳河往往闌入北運去秋汎漲更盛數百里開一片汪洋運道民田爲害匪淺因飭派天津道胡燏棻記名道吳廷斌會同永定河道萬培因馳赴永定河下口詳勘形勢測壓高低據稟永定河下口至韓家樹寬長四五十里其中淤北淤一帶悉淤成高阜流行委係不暢是以溜勢由北而東衝入鳳河而鳳河北運均有岌岌不可保之勢再四審度惟有由河身迤南鄭家樓地方挑挖引河十四里餘至南下八汛二十二號出口由楊家河匯入大清河地勢寬廣低窪作爲下口甚爲直捷暢利等

語臣維水性就下治水之道宜順其性而濬通尾閘尤爲緊要永定河下口向由韓家樹左右匯入大清河在中滋北滋之間渾流經行年久逐漸淤墊愈下愈高勢如登坂以致屢經挑濬未見功效下壅則上易潰故上游頻歲漫口幾至無法挽回又水勢直灌鳳河上年大水將鳳河身數十里淤成平陸東隄衝刷殆盡鳳河爲通州武清東安各處懸水所由達津之路淤塞過甚則通武一帶水患難除況鳳河東隄爲通京驛路及北運河保障東隄之外地勢尤低若任渾流建瓴而下徑潰驛路闌入北運更於運道有礙若改歸南滋就近由下八汛二十二號作爲下口仍會大清河趨天津之三岔河下入海河其勢甚順其二十二號以下距清河尙十餘里地勢遼闊均屬大窪荒港並無村莊本係從前下口渾水蕩漾之區得以散水勻沙卽清河不致連成淤墊非韓家樹河

道狹窄者可比恭讀乾隆十九年

高宗純皇帝諭曰方觀承奏永定河下汛隄堰漫水一摺漫口既屬堰尾又外俱空闊處所若無淤墊之患似可聽其合流使下口益暢等因欽此誠以治河必權其利害輕重因地制宜查南八下汛隄工二十六里以下卽係無工處所今擬由二十二號作爲下口已屬堰尾且以外俱空闊處所聽其與清河合流既與乾隆年

開聖諭相符實於全河形勢大局深有裨益自應如該道等所議卽由鄭家樓地方挑挖引河至下八汛二十二號出口俾得就地勢順水性節經費以暢永定尾閘兼保鳳河北運是一舉兩得之計現飭派記名道吳廷斌永定河道萬培因會同籌辦招集附近災民以工代賑剋日興工務於伏汛前蒞事再鳳河下游河道及武

清天津一帶東隄經上年大水淤墊種刷淹潰民地甚廣迄今未全涸永定河下口既令南移則鳳河以後受害較輕必須及時疏濬河槽培築東隄以資保衛臣現派天津紳士前廣東水師提督曹克忠會同候補道桂本誠前往勘估分投趕辦疏築事宜以上兩項需費均屬浩繁所估永定河及鳳河工費督飭司道在賑捐項下竭力籌撥事竣據實開單彙報所有改挑永定河下口及疏築鳳河各緣由是否有當理合恭摺具陳伏乞

皇上聖鑒訓示謹  
奏



修濬青龍灣片

光緒十七年三月初五日

再上年順屬水災以東路之武清寶坻爲最重而武清寶坻之河患以鳳河青龍灣減河爲最重武清之鳳河因受永定河渾流衝突東隄潰決下游淤塞臣已遴派員紳挑河築隄片摺奏明在案寶坻之青龍灣爲北運減河自香河縣之王家務起經由寶坻下至甯河入海雍正八年築壩挑河以來迄今河身節節淤墊光緒十四年曾經挑挖一次因迫於時日限於經費所挑無多去夏霍雨兼旬河流狂漲爲數十年所未有潰隄決岸寶坻受害獨深必須大加挑修爲民捍患據候補道桂本誠會同通永道楊宗濂勘得該河上游自香河縣之王家務至寶坻之廣安橋五十餘里河身寬十餘丈至二三十丈水深五六七尺不等灘嘴決口較多須切灘堵口俾水勢順流而下不致旁溢爲災廣安橋下至大寶莊

十餘里河身漸窄漸淺且河高於地缺口十餘丈直灌孫校尉等  
數十村民地多爲沙壓應築越隄三十里俾可放淤耕種大寶莊  
以下六十餘里河槽僅寬二三丈深一二尺內有淤高並無河槽  
之處若不及早疏濬寬深則下壅愈高上潰愈甚修治愈難實於  
運道民生大有關係惟是工繁費鉅款項難籌臣與兼尹臣府尹  
臣往返面商將大寶莊以下開濬培築各工咨行直隸提督葉志  
超通永鎮總兵吳育仁前往酌分段落調派所部營臺北塘淮練  
各營分投興作酌給兵勇犒賞不給方價但恐工多勇少挑不足  
數並令添雇民夫同時分挑其大寶莊以上各工並黃莊八門城  
一帶殘隄潰口及大寶莊以下築隄放淤昔年所開普濟河黃莊  
新河皆須挑挖寬深添建石閘均責成桂本誠等督率印委各員  
招集附近災民定期興辦由順直賑撫款下分撥濟用以工代撫

事竣彙入工撫案內奏報查上屆調派營勇挑挖青龍灣減河在  
事出力員弁奏奉

恩准給獎此次工程艱鉅數倍在事員弁櫛風沐雨胼胝泥塗洵  
屬異常勞苦仰懇

天恩俯准照河工章程工竣時容臣等擇尤保獎以示鼓勵出自  
慈施逾格所有籌修寶坻河工緣由理合會同兼管順天府府尹  
臣祁世長順天府府尹臣胡聘之合詞附片具陳伏乞

聖鑒訓示再通州境內之潮白河溫榆河平家疇順義香河境內  
之箭桿河薊州境內之薊運河各有應挑濬堵築工程並由臣等  
籌款委員分投修辦以工代撫期於河流順軌民困以蘇合併陳  
明謹

奏

戰艦加費片

光緒十七年三月初五日

再北洋定遠鎮遠濟遠三艦月支公費原議暫給定鎮兩艦各月支銀六百兩濟遠一艦月支銀四百兩前經分別奏咨聲明此項戰艦一切規模皆屬創始其名額薪餉如須斟酌損益再行隨時咨報立案嗣經統領北洋水師提督丁汝昌以該三艦艙多機繁費用浩大除原領公費外定鎮濟三艦實墊用銀七千五百餘兩當經飭據海防支應局司道詳細核議原領公費實屬不敷應自光緒十二年五月起定鎮兩艦各月加公費湘平銀二百五十兩濟遠一艦月加公費湘平銀一百五十兩其五月以前計自光緒十一年十月起至十二年四月止共七箇月仍照加支公費銀數按月補給計三艦共補給公費湘平折庫平銀四千三百七十餘兩在三艦備用項下撥給歸墊業經分咨查照嗣准兵部議覆以

補給三艦公費未便率准應令奏明辦理等因臣查原定三艦公費銀兩不敷過鉅該管帶等共墊用銀七千五百餘兩除補給庫平銀四千三百七十餘兩尙賠墊三千餘兩若再令賠此鉅款力有未逮勢必就現領公費挪移彌補而每月應需料件轉未能照數購備勤加修墊致使全船輪機器械日就鏽壞且得藉口請款大修貽誤既多糜費尤甚況此項公費正因其不敷於前是以酌加於後既准加支於後自應補給於前似未便吝惜小費暗滋虧損所有補給三艦公費庫平銀四千三百七十餘兩仍請照數開支以免賠累而重利器理合附片陳明伏乞

聖鑒敕部照數准銷謹

奏

修辦居庸溝道摺

光緒十七年三月十九日

奏爲居庸關溝道爲京北要衝修辦工竣在事出力紳董懇  
恩給獎恭摺仰祈

聖鑒事竊查延慶州之居庸關爲太行九陁之一逼近  
京畿巖巖峭壁跬步皆危前代恃此備邊任其險巖我

朝幅員遼闊中外一家內外蒙古藩王貢使來往京城及西北兩  
路邊防臺站轉運軍需必皆取道於此二百數十年來從未大加  
修治關溝四十五里穿山度峽夏秋水石交衝行人病涉冬閉豁  
澗溝坎凝結成冰人畜每多顛仆商旅視爲畏途亟須設法興修  
俾臻平坦惟工程繁鉅需款甚多直隸向爲缺額之區公款無可  
籌撥光緒十三年四月開原任宣化府知府章洪鈞督同前任延  
慶州知州章成義懷來縣知縣何承緒詳詢紳耆博訪輿論僉謂

捐收過往牲畜釀資修道眾商無不樂輸擬於居庸關設立公所  
分別駝騾牛馬驢頭豬羊每隻酌捐制錢十文至二三文不等無  
論中外一概計數抽捐集商民不費之資興地方永賴之利事屬  
輕而易舉其差馬回空婦女空騎與夫農具柴草駝載概不收捐  
以示區別選派該處公正紳士李厚基等董司其事議定章程稟  
經臣批准試辦該州等履勘關溝自岔道東撥子起至昌平州交  
界之狼窩止統長六千七百三十丈估計土石各工所費甚鉅牲  
捐零星湊集未能徧行修墊爰分十一段次第平治將最險之八  
達嶺等處首先開工適有延慶州人湖北候補道胡鏞請假回籍  
臣因其熟悉關溝情形飭令會同該州等妥爲商辦於是溝道漸  
平車輛過往日多稟准倣照牲捐抽收俾得一律修治該官紳等  
審察形勢疏塞兼施築壩挖溝填凹平凸或買民田繞越或開山

道通行所開道段寬四五丈及一二丈不等逐段修築坦平車馬  
馳驅已無險阻若求經久之策尙非旦暮可期每遇大雨時行山  
水建瓴而下掀天揭地數方之石如盤走珠溝道頓成深坎谿徑  
爲之不通必須審其受患之處與所以趨避之方辦理始有把握  
上年夏間霖霖浹谿流暴發爲數十年所未有原修道段如八  
達嶺素稱天險雖經此次狂瀾依然鞏固餘處稍有衝損修復尙  
易爲功惟彈琴峽石佛寺二處兩山逼峙水無所洩壩道各工半  
就傾圯欲圖補救則限於地勢非人力所能爲因議改道西山繞  
出彈琴峽石佛寺由六郎影仍歸正道舍水渠而行山陁開土田  
而避石路庶無衝潰之虞當飭照議趕辦據報於本年二月十八  
日一律工竣飭委宣化府知府汪守正驗明道段堅平實於南北  
行旅大有裨益然工程無歷久而不做通溝道路經車馬之蹂躪



風雨之摧殘非鮮有歲修大修專款誠恐數年來辛苦籌辦之工  
仍歸廢棄所有牲畜捐款自光緒十三年六月初四日起至本年  
正月月底止計共抽收制錢二萬九千一百六十餘串士商捐助銀  
六百餘兩支銷工費以外僅存制錢三千五百串銀六百兩斷不  
敷用應將牲捐酌留數年除隨時修補動用外湊足銀一萬兩卽  
行停止車捐起於道工俟牲捐停收仍應專留大車捐數年湊足  
銀五千兩亦卽停止以上兩項捐款分別發商生息牲捐息銀專  
作歲修經費車捐息銀專作大修經費明定規條責成官紳互相  
稽察以杜侵蝕虧挪之弊此後經理得宜道工日臻穩固數十年  
內必可無虞險巇其樂蕩平矣在事紳董自備資斧一塵不染任  
勞任怨力爲其難苦志經營五易寒暑遂使馬不容足之關溝化  
爲車載暢行之坦道洵屬苦有成勞深堪嘉尙自應擇尤保獎除

湖北候補道胡鏞不敢仰邀議敘外候選縣丞李厚基擬請俟選缺後以知縣卽選五品頂戴候選鴻臚寺序班程涵請以訓導不論雙單月選用縣丞銜凌雲漢請以縣丞不論雙單月選用候選直隸州州同程丹桂請俟選缺後以知州卽選仰懇天恩俯准照擬給獎以昭激勸出自

恩施逾格理合恭摺具

奏伏乞

皇上聖鑒訓示再修辦溝道工費係由地方紳商零星捐集續湊平治實用實支不動官款請免造冊報銷合併聲明謹奏

奏留劉含芳片

光緒十七年三月十九日

再新授甘肅安肅道劉含芳歷隨征勦粵捻軍營自北洋辦理海防卽經臣派赴山東之威海衛相度臺壘旋調駐奉天旅順口籌辦防務督辦船塢及魚雷營兼司水陸軍械該道熟諳西法心精力果於外洋製造器械及建置工程均能深研得失魚雷爲海上戰守利器理法精微該道與英德教習討論多年創設魚雷學堂艇塢布置井井有條俾弁兵操演日臻精進現已練成魚雷艇十餘號可備輔翼鐵艦之用爲各省所未有旅順綰轂渤海之口係北洋門戶第一要衝近年舉辦海軍尤爲根本歸重之地臺塢廠庫各工無一不關重要該道在事最久實屬海防最爲得力之員前此法越構釁東南緣海被兵駸駸有北窺之勢卒不敢來犯者亦賴防備嚴密足以懾其氣也現在旅順船塢威海衛大連灣礮

臺各工雖已報竣惟規模甫具善後一切頭緒紛繁該道經手事  
件甚多驟難更易合無仰懇

天恩俯准將劉含芳暫留旅順俟經手各事清理完竣再行飭赴  
本任以重要防理合附片具陳伏乞

聖鑒訓示謹

奏

冷慶請卹片

光緒十七年三月十九日

再總兵銜前直隸督標中軍副將冷慶於咸豐三年在署天津遊擊任內奉調帶領礮隊迎剿匪攻偏獨流賊巢面受礮傷一處追賊至阜城四年三月在甜水堡擊賊獲勝追至連鎮五年正月攻克連鎮復調赴山東高唐州馮官屯大營二月賊撲礮臺奮力抵禦左乳左臂受矛傷三處六年正月經親王僧格林沁奏調赴河南追剿捻匪三月在十字河等處連戰大勝解亳州城圍直搗雉河集攻毀賊巢復在耿黃寺崔村寺等處力戰屢勝七年二月隨赴潁州進剿四月力攻方家集賊壘右臂受擡鎗傷一處八月帶隊前赴角子山九月在確山縣力戰解圍疊在張堂等處連獲勝仗進攻馬市坪屯賊先登右臂受石傷兩處八年正月勦辦阜陽西爐莊教匪焚燬逆巢三月帶隊赴鹿邑軍營十月在聚子集

十字河一帶連獲大勝九年正月敗賊於丁垆寺追至李家橋二月解西華縣圍力戰北舞渡左股受矛傷一處三月調回直隸防勦旋經僧格林沁以屢著戰功膽識兼優奏補開州協副將十月奉

旨署天津鎮總兵十年三月經前督臣恆福以久歷戎行帶隊勇往奏准調補督標中軍副將同治元年五月奉

旨調署宣化鎮總兵四年三月飭赴本任光緒十一年呈請修墓開缺旋經臣查明該副將前在軍營受傷疊次驗列頭等奏蒙

恩准給予全俸在案茲以感疾牽動舊傷於本年二月三十日在易州寄籍身故據該州朱乃恭詳報前來臣查冷慶起家行伍擢將校轉戰數省曾經大敵屢克堅巢從征三十餘年大小百數十戰摧鋒陷陣馳勁無前疊受重傷體如刻畫忠勇之性一時罕

倫溯自咸豐同治年間蒙

特旨兩署總兵並是邊防重鎮於諸將中資望最深在宣化鎮任

內前督

臣劉長佑

校閱營伍奏稱宣化弁兵廢弛已久該署鎮不

辭勞瘁申明紀律頓然改觀在臣標中軍副將任垂二十年廉公

自持軍民畏愛卓有古名將風茲以勞傷致疾不起深可憫念查

前記名提督王占魁在籍病故經臣按照福州副都統全福請卹

成案奏蒙

恩卹冷慶戰功卓著核與全福王占魁等情事相同合無仰懇

天恩俯准敕部將已故總兵銜副將冷慶照在營立功後積勞傷

故例議卹以彰忠藎出自逾格

恩施理合附片陳請伏乞

聖鑒訓示謹

奏



奏保沈保靖片

光緒十七年四月初一日

再光緒十五年三月十六日恭逢

恩詔內開自同治元年以來曾經任用現已革職官員除大計貪  
贓及居官不職以至失守城池各員外若有事係冤枉彼革果有  
才力堪用者在外聽該督撫查明詳開緣由奏明請旨等因欽此  
仰見

聖朝愛惜人才振拔幽滯凡在臣下欽感同深查有降調布政使  
沈保靖前在福建藩司任內爲言官疏參經前大學士臣左宗棠  
調任督臣楊昌濬查明覆奏於所參各款逐條辨析分明惟以聞  
警之際該員之弟攜眷回籍形跡疑似之間未能阻止請交部議  
處以示懲儆當經吏部比照不應輕律議以罰俸原甚公允旋經  
前鴻臚寺卿鄧承修奏稱以該員稟復之詞不足爲據又經吏部

比照不應重律議以降調竊查原參關涉公事各款自有案牘及  
眾論可憑左宗棠等查覆固云核對案卷博采輿論原疏具在可  
覆按也至移眷一節係屬家事該員之弟赴閩省視本與公務無  
涉挈眷回籍亦情理之常旁人不辨爲誰但據道路訛傳之言以  
爲定論似近苛刻該員自同治元年卽隨臣上海軍營憔悴專壹  
久歷艱苦至十一年始離營赴九江關道任迨罷官後復經臣奏  
調辦理天津機器局講求西法裨助軍實相從最久知之最深其  
爲人廉正堅實治事精覈能任勞怨厯官江閩兩省卓著政聲卽  
左宗棠等覆奏之疏亦有秉性剛執實事求是精明強幹不避嫌  
怨之言其立身行己具有本末臨難苟免之事臣敢保其必無方  
今外省風氣日趨圓靡其有特立獨行而才力又足任事者實爲  
救時之選一省之中曾不一二覩沈保靖仰蒙

拔擢正當效用之時乃以人言去官久置閒散目今時事多艱人才難得深爲可惜近見雲貴督臣王文韶歷舉從前降革藩臬姚覲元陳寶箴陳澍等以應

詔書沈保靖人才治行實不後於諸人若臣知而不言殊昧以人事

君之義不揣冒昧據實

上聞至應如何錄用之處

聖明自有權衡非臣所敢擅擬謹附片具奏

張樹屏請卹摺

光緒十七年四月初一日

奏爲原任總兵積勞傷發病故戰功治績卓然可傳據實臚陳懇  
恩優卹恭摺仰祈

聖鑒事竊山西大同鎮總兵張樹屏前以久在邊外積受嚴寒感  
發傷疾蒙

恩賞假六箇月回籍就醫假滿未痊呈由安徽撫臣奏請開缺奉  
硃批張樹屏平日帶兵尙屬得力著再賞假三箇月毋庸開缺欽  
此該鎮感激

恩遇上緊調治終以受病過深未能剋期見效續假屆滿復呈由  
兩江督臣奏請始荷

恩俞茲於本年二月初八日在籍傷發病歿由該家屬呈報前來  
臣查張樹屏安徽合肥縣人咸豐年間隨其胞兄前兩廣總督張

樹聲前廣西右江鎮總兵張樹珊帶團擊賊嗣隨官軍克復潛山太湖縣城同治元年臣督師赴滬飭張樹聲創立樹軍派張樹屏分帶副營相從東下力戰北新涇解四江口重圍由海道赴援常熟破賊毛家山攻下福山石城乘夜進擊遂解常昭之圍進克江陰無錫縣城既而宜興溧陽丹陽之賊糾合悍黨十餘萬分道回竄常熟江陰無錫等處臣飛飭樹軍抽調勁旅橫紮江陰之焦塹青陽遏賊歸路賊既竄退截之三河口合諸軍奮擊俘獲二萬殺斃溺斃無算是役以少擊眾號爲奇功樹軍獨扼賊衝該故鎮身當前敵論功最偉乘勝進攻常州府城掃蕩賊營二十餘里直逼城下時蘇州已復賊無歸路憑堅死守城上礮彈如雨並然火藥下傾我軍肉薄仰攻死傷甚眾該故鎮身受鎗傷兩處裹創奮進先奪東門諸軍並登卽時克復旋會諸軍進復湖州府城髮逆既

平勦辦捻逆五年冬開張樹柵在湖北德安力戰陣亡臣卽奏派張樹屏接統其眾轉戰六省蕩平二捻功至記名提督

黃煥額騰額巴圖魯勇號九年前山西撫臣李宗義奏令招募樹柵新軍六營並開花礮隊一哨赴晉防河時甫經張總愚擾亂之後陝北諸回方謀東竄該故鎮以所部分紮鄉甯吉州壺口沿河二百里悉按形勢險要設汛增壘晉防屹然

朝廷無復西顧之慮十二年冬兼統晉軍水陸十四營移駐河津光緒二年移防河曲保德一帶其時皖軍赴援烏魯木齊塞上空虛盜賊蜂起該故鎮以兩營馳往捕治應時擒定未幾而甘肅流賊曹洪照大股竄擾後山該故鎮適奉檄詣省聞警馳回抽集銳騎乘大雪日夜追擊連敗賊於老郭地纏金本壩臺廟等處遂擒曹洪照於茶蘇谷僅五十餘日而全股蕩平捷聞奉

旨以勦辦迅速

賞給頭品頂戴四年

傳授太原鎮總兵六年以防邊湘軍調赴山海關奉

旨調署大同鎮總兵移所部樹軍前往填紮當新舊更替之際客  
勇游匪乘勢蠢動民蒙又以爭地構釁劫殺頻聞該故鎮既馳抵  
所駐之包頭鎮分撥馬步營旗於大青山前後扼要巡歷嚴禁械  
鬪以靖屯眾抄緝窩頓以清盜源次第擒斬著名劇賊調練鎮標  
騎兵七百八十名編列五旗屯紮邊口內外以輔防軍之不足匪  
蹤潛息民氣大和行旅往來如涉內地九年經升任撫臣張之洞  
以巡緝得力

上聞奉

旨調補大同鎮總兵該故鎮在晉二十年居邊十年兼統淮練各

軍歷任南北兩鎮凡練軍改旗各事皆一手經畫至今以爲成規  
平居紀律嚴明持已廉介所莅之地士民翕服無異詞其尤卓然  
在人耳目者光緒三四年山西大旱該鎮於旱象始見卽請款  
購儲軍米萬石及米價踴貴每石至四十餘金悉以原價給軍當  
大饑之時所部獨能飽騰並督令捐雇騾駝般運賑糧上下陝洛  
二千餘里復出軍食之餘以平糶市商無可居奇全活不可數計  
前大學士臣閻敬銘方治賑境上親見其事每歎以爲難能張之  
洞撫晉時嚴治歷年積弊文武各員論劾殆徧獨以張樹屏廉正  
密實疏聞於

朝及議練主兵以代客兵裁撤湘毅等營獨稱樹軍爲得力當時  
治軍積穀諸大政見諸奏牘者蓋未嘗不力推張樹屏其奏辦代  
州大豪劉定邦一疏至謂省垣邊外營署員弁不能結交者惟張



樹屏一人推脩之重如此前史所稱守邊廉恥之將無以過之該故鎮常念家世受

國厚恩兩昆先後以死勤事獨以久病之軀猶荷

聖明垂念年甫五十報效有期乃因傷疾淹綿齋志歿地深可痛惜竊維張樹屏隨剿粵捻各逆無役不從始領偏師浮擢統將屢經大敵疊克名城在晉防河防邊實繫全省大局而辦賑一役尤爲遺愛在民核其生平戰功治績卓然可傳臣知之較深未忍任其湮沒合無仰懇

天恩俯准將原任大同鎮總兵張樹屏照軍營立功後積勞病故例從優議卹將事蹟

宣付國史館立傳並附祀各省淮軍昭忠祠以彰盡績至山西爲該故鎮立功最著省分應有祀典以勸勞臣可否

准其建立專祠出自逾格

恩施非臣所敢擅擬理合恭摺具陳伏乞

皇上聖鑒訓示謹

奏

出洋巡閱摺

光緒十七年四月初六日

奏爲定期出洋會閱海軍並查勘各處臺陽工程恭摺仰祈  
聖鑒事竊准海軍衙門咨開光緒十七年二月十六日具奏請  
派大臣出海會校北洋合操一摺十七日奉

旨現屆校閱海軍之期著派李鴻章張曜認真會校欽此恭錄知  
照到臣伏查北洋海軍自成軍後已屆三年其堪備戰陣各船計  
前購之鎮遠定遠濟遠三鐵艦致遠靖遠經遠來遠四快船合之  
舊有超勇揚威快船鎮中鎮邊等礮船及練船雷艇等共大小二  
十餘艘爲中國創立海軍之始北洋海軍提督丁汝昌每年春夏  
秋三季督帶各船在沿海往來操巡周歷奉天直隸山東朝鮮各  
洋面東北至於日俄各島冬令駛往南洋巡閱江浙閩廣沿海各  
要隘西南至於英荷屬埠終歲勤動弗稍休息藉以涉歷風濤練

習陣技勞苦可云至矣其防守各海口勇營操練臺礮水雷等藝並築造臺壘鴨澳鉅工手胼足胝寒暑無間風溼瘴癘動致疾疫亦殊可念至各處船塢機器局製造船艇器械水雷電燈大小鎗礮應用子藥架具均仿西洋新式冀其日進精強海軍衙門定章每屆三年奏請

欽派大臣會同出海校閱嚴明賞罰示以勸懲且使歷年工操情事無不

上聞益知激勵奮興而不敢稍涉疏懈用意極為深遠現屆第一

次校閱之年欽奉

諭旨認真會校逕即咨商山東撫臣張曜約定日期馳赴煙臺臣趕將地方春撫事宜及各河工程分飭辦理就緒定於四月十六日率同水陸營務處直隸臬司周馥津海關道劉汝翼等由大沽

乘輪船放洋徑往旅順先經飭知海軍提督丁汝昌調集各船並  
派船至煙臺迎候張曜渡海至旅順口會看船塢礮臺等工校閱  
毅軍親慶各營陸操隨赴大連灣洋面會齊各兵船演陣打靶並  
調南洋六船隨同操演旋陸閱看銘軍新築礮臺再渡海至威  
海衛閱看綏遠等軍新築礮臺並查勘各處一切布置工程事竣  
卽赴膠州澳察看形勢竊維旅順威海兩處並爲北洋屯泊水師  
口岸旅順綽綽渤海辦防最先十餘年來逐漸經畫已成重鎮近  
日船塢造成尤爲海軍歸宿根本大連灣威海衛則自光緒十三  
年始創議分設礮臺移軍填紮現臺工將竣而訂購西洋大礮係  
逐年分批購運尙未到齊至膠州地居南北洋之中爲北來第一  
重深水船澳自應設防屯守以期周密惟目前限於經費無可籌  
撥擬俟威大兩處措置完密騰出餉力會商張曜次第經營此次

就便前往詳細相度以爲將來舉辦之地約計周歷各口往返須至兩旬所有津署日行事件檄委長蘆鹽運使季邦楨代拆代行其緊要公事仍封遞臣巡次核辦所有定期出洋會閱海軍各緣由理合恭摺由驛具

奏伏乞

皇上聖鑒謹

奏

請緩鹽課奏銷摺

光緒十七年四月初六日

奏爲援照歷屆成案請緩長蘆本年正課奏銷以恤商艱仍無誤協撥京奉各餉恭摺仰祈

聖鑒事竊據長蘆鹽運使李邦楨詳稱蘆商正課例限五月奏銷自同治十年後商情艱窘節經

奏准緩至十月收徵茲因例限將屆催令各商完納據通綱商人晉有孚等一百二十商稟稱直豫疊被災被銷絀本虧商累實甚歷年蒙將正課展緩藉可專顧春秋兩運仍於秋運後趕緊完課並未誤解餉期限且能增交銀數有裨餉需蓋奏銷時日稍舒商力始能周轉今催令照限完課苟能遵辦曷敢視展緩爲常例惟上年直境水災之重爲數十年所未有引岸被淹商情疲累異常本年春運過關鹽僅十萬餘包尙未悉行抵岸其豫省南岸各引

地鄭工雖已合龍而運路未盡通暢戶口多未歸復銷數較前短  
細鹽不能銷課從何出此外未經築運各商疲困情形更可想見  
蘆商累多殷少全指秋後賣鹽以完現課此時萬難兼顧懇將本  
屆正課奏銷援照歷屆成案展緩該運司詳加體察確係實情若  
令依限完納力實未逮徒事參追無裨實際請緩至十月啟徵仍  
可無誤京奉各例並聲明永屬鹽課奏銷屆時隨同辦理以憑彙  
計分數等情具詳前來臣查長蘆正課前因商情艱窘疊次奏請  
展緩均經蒙

恩允准但可依限催納豈容稍任稽延惟上年直境水災極重商  
累甚深刻值告運喫緊鹽尙未銷斷難籌措課款既經查明屬實  
應援照歷屆成案籲懇

天恩俯准將光緒十七年正課奏銷緩至十月辦理以恤商艱卽



以保全課帑屆時當督飭運司認真催徵將本屆奉撥京奉各餉  
仍於年內解清斷不敢稍任遲誤理合恭摺具陳伏乞  
皇上聖鑒訓示謹

奏

津貼剝船摺

光緒十七年四月十五日

奏爲官剝船戶苦累請仍照案酌貼工食銀兩以裨漕運恭摺仰祈

聖鑒事竊查江浙海運漕糧由直隸官剝船戶接運至通前於光緒十二年經臣奏定每年每船由江浙漕項內酌貼工食銀五兩上年因米少船多每船祇能輪運一次所得水腳已較歷屆爲少終年停泊苦累難堪此項工食若按米數核減必致偷漏滋弊奏明仍按每船五兩發給旋准部咨令自光緒十七年爲始每平斛百石准給工食銀七錢五分其從前按船給銀五兩章程卽行停止等因當經轉行遵照茲據天津道胡燏棻詳稱直隸官剝船隻向派民戶領駕承運江浙漕糧按年發給工食以資養贍從前每船每年例領工食銀十五兩嗣因蘆綱及東綱生息解不足額將

工食減爲七兩五錢又須以工食貼補油艚遂至入不敷出窮極  
滋弊攙和偷盜防不勝防辦不勝辦自光緒十二年准於江浙漕  
項內每年每船貼給工食銀五兩必須運竣以後顆粒並無短少  
始行照數發給法良意美各船戶不復作奸犯科辦理已著成效  
然連原有工食銀七兩五錢每船加銀五兩僅應領銀十二兩五  
錢較之從前十五兩定額尙有減少若將此項工食改按所運米  
數核發現有原續剝船二千隻以江浙米數均勻核算每船祇能  
輪運一二次至多不過三次每次運米二百石僅應領銀一兩五  
錢運至三次亦不過得銀四兩五錢況以運米之次數定工食之  
多寡不特受兌之始擁擠河干紛紛爭運易於滋事設船戶自知  
不能多運或於末次一運故智復萌再有攙和偷盜等弊雖有峻  
法在前竊恐仍無實際請仍照舊酌貼銀五兩以示體恤等情詳

請具奏前來臣查直隸剝船二千隻每船酌貼工食銀五兩共僅須銀一萬兩若按米數核發本年江浙新漕一百二十餘萬石除去截留直隸賑米八萬石計之亦須發銀八千餘兩較原定章程僅少發銀一千數百兩而船戶偷漏之弊難保不乘隙而生所少無多所損實大漕糧爲

天庾正供船戶亦

朝廷赤子從公苦累情實堪憐現在海運南漕連檣進口剝兌運通勢難久待各船戶窮丁亟盼加惠呼籲頻聞核計照前數年定章每船酌貼銀五兩爲數無幾而獲益甚多況江浙漕糧每年總在一百二十萬石上下上年米少船多由江浙水災爲數十年所未有以後斷不常見似未可因噎廢食仰懇

天恩俯准照案仍按五兩給發贍其身家卽所以慎重漕務除分

飭遵辦外理合恭摺具陳伏乞

皇上聖鑒敕部知照謹

奏

應寶時請建祠片

光緒十七年四月十五日

再據江蘇紳士前東河河道總督吳大澂前奉天府府丞朱以增等聯名呈稱已故江蘇按察使應寶時當咸豐十年粵匪竄陷蘇松等處奉

旨隨同辦理團練督帶勇團克復松江府城十一年冬浙江省城復陷東南大局注重上海一隅因與官紳設立會防局兼籌兵餉聯絡中外其時賊由乍浦竄陷奉賢金山川沙南匯等城東路賊氛與上海僅隔一浦西南之賊距城祇數里守兵聞警卽潰勢幾不支該故員以滬地避難士民數逾百萬且爲華洋眾商總匯之地稅餉所出尤當極力保全會商官紳倡議迎師力籌鉅餉雇備輪船事屬創辦該故員力任其難迎臣軍山皖東下實爲規復東南一大轉機嗣在上海道任內創建龍門書院俾士知向學並立

普育善堂收養窮黎署布政使任內飭各州縣立常平倉勸輸銀穀存公生息通計所積數逾百萬至今緩急賴之吳淞江爲水利最要之區籌款二十餘萬設法開濬以利宣洩閭閻愛戴淪浹深而同治元年迎師一役獨肩鉅任力顧餉源保護百萬避難之生靈挽回數省淪陷之危局追思往績尤不能忘謹援原任浙江甯紹台道顧文彬記名道潘曾瑋等成案合詞籲懇奏請將已故江蘇按察使應寶時在上海地方山紳民捐建專祠俾申報享等情前來臣竊維咸豐末年蘇浙淪陷獨恃上海一隅之地爲臣軍東下根本迨後肅清全吳固由將士百戰之力而其先官紳危苦堅守以待援師其功實不可沒方事之殷設立會防局總筭兵餉諸事主之者紳則顧文彬等官則應寶時等其迎師雇川輪船由金陵賊巢泝江上駛爲向來所未有是皆多陰挽之英領事麥華

陀尤力持不可應寶時素與洋酋相習既以利害說其水師提督何伯復出重資啗洋商始願以船應召又與約船中得增電治餐馬匹軍械得入船抵皖泊舟聽行止一一如我法皆輪船創格則應寶時一人之功故中允馮桂芬所著滬城會防記皖水迎師記言之最詳馮桂芬身預其謀目擊其事也賊定之後吳人追念前勞每論迎師一役輒以此數人爲稱首顧文彬等歿後並經呈請捐建專祠奏蒙

恩准在案應寶時又歷任該省司道大員卓著政績臣昔自兵間及在蘇撫江督任內親與其事知之最深前後督撫臣如曾國藩丁日昌皆盛稱之今吳大澂等援顧文彬等成案請捐建專祠具見功德在人邀愛未混合無仰懇

天恩俯准該紳等所請爲已故江蘇按察使應寶時在上海捐建



專祠由地方官春秋致祭以順輿情而彰靈績如蒙

俞允再由臣咨行兩江督臣江蘇撫臣知照理合附片陳請伏乞

聖鑒訓示謹

奏

李文忠公公稿卷七十一